

Uj p'unchay uj qhapaj ruwaj wawan kawsaqesninwan wasimpi ujcharikusqanku. Chaypitaj kawsaqesnin qhapaj runaj warmi wawampata ima waqeykunachus (regalos) tiyapusqanta rikuchinanta nisqanku. Paytaj tukuy sonqo uj wasi ukhuman yaykusqa regalosninta orqhomunampaj, chaypi kaj kawsaqesninqa yuyasqanku manchay k'acha p'achasta, jaluchusta, sumaj valorniyoj imakunata orqhokuspa rikuchinanta, jinapis mana yuyasqanku jinachu kasqa, uj maskha ch'iñinimanta jina qhapaj runaj wawanqa sapa makimpi iskay juch'uy wawakuna jap'irisqa llojsimusqa, manchay kuisqataj chay kawsaqesninman nisqa:

Princesa: "Qhawaychej, cheqamanta kay imillita, kay yoqallitu ima relarnosiy kanku."

Chay visitasqa chayta uyarispa t'ukusqanku, paykuna rikuyta munasqanku manchay k'acha rogalosninta rikuchinanta. Chaywampis entiendesqanku chay qhapaj runaj wawampajqa, juch'uy wawakuna aswan valorniyoj waj waqekunamanta nisqa kasqanta. Cheqapuni, chay visitas jina mana tukuychu jatumpaj qhawanku juch'uy wawakunataqa, jinapis noqa rejsini uj runa tukuy sonqowan jatumpaj qhawasqanta juch'uy wawakunataqa; payqa Señor Jesucristo.

Unay kawsasqankumanta bibliapi willan, uj p'unchay tatamamakuna wawankukunta Jesusman pusasqanku, muspa paywan karinankuta, rejsinankuta chanta bendicinanta ima. Jinapis manaraj maypichus Jesús kashasqa chayman chayashajtinku, uyarisqanku manchay phiñakuwan Jesuspa yachachisqasnin qhaparisqankuta.

Discípulos: "¿Imatataj munankichej? ¡lthiriychej chinkaychej kaymanta! Mana tiempoyochu Jesusqa."

Juch'uy wawakunaqa manchharisqa kasharqanku, nimata nisqankuchu. Chay phiñakuwan qhaparejkunaqa kikin Jesuspa yachachisqasnin karqanku, aswan kusikuyqa, mana paykunaj munasqanku jinachu kasqan. Jesús munakun jatumpajtaj qhawan juch'uy wawakunataqa, chay qhapariykunata uyarispa Jesusqa sayaykuspa nisqa.

Jesús: "Saqeychej wawasta noqaman jamojta. Amataj jark'aychejchu, imaraykuchus Diospa reinonqa pikunajtamin."

Jesusqa juch'uy wawakunata munakun. Pay wajyasqa rejsinankupaj chanta paypi confianankupaj. Chanta jamusqanku...

... paykuna jina juch'uy wawakuna
... manchay k'acha wawakuna jinataj liso wawaspis
... juch'uy jatun
... manchilis mana manchilis
... yachajkuna mana nimata yachajkuna.

Ni jayk'aj qonqasqankuchu chay p'unchaytaqa, Jesús paykunawan uj rato karispa munakuyninta rikuchisqanta jinataj Jestusta rejsisqankuta. Jesús bendicisqa paykunata.

Jesús munakun juch'uy wawakunata.
Chaypuni astawa kusichisqa, wajkunamanta willarasqanku.

Qantapis Jesús munakusunki, ¡amapuni qonqaychu!
Bibliapi Jesús nisunki: Noqaman jamojtaqa, mana qhesachanichu, nispa.

Personajes: Relator, Princesa, discípulos y Jesús

© Copyright: CEF Germany